

Jesús - Mixtec, Silacayoapan

1.1

Tuhun vaha nacahyí Marcos saha Jesucristo

Tá jácandúta Juan ñayivi yucú íchí

(Mt. 3:1-12; Lc. 3:1-9, 15-17; Jn. 1:19-28)

1 Quiahva johu nacava sáhá tuhun vaha cáhan saha Jesucristo, mé a cúu in túhún jini já jahyi Ndióxi.

1.14-15

Cásáhá Jesús cáhan tuhun vaha xihín ñayivi

(Mt. 4:12-17; Lc. 4:14-15)

14 Tá nandihí nachicaan na Juan vecaa já nasahan Jesús estado Galilea caxi tuhun a nuú ñayivi tuhun vaha saha Ndióxi. 15 Já cáchí a já xihín ná:

—Sa naxinu tiempo viti ta nacayati quivi cacomí Ndióxi cuéntá sahá ñayivi. Ña ndítahan nu ndo quea jándacoo ndó cuachi cája ndó ta candúsa ndó tuhun vaha ña cuu jácacu ndohó —nacachi Jesús.

1.21-27

Tá ndácaan ínimá quini ini in dataa

(Lc. 4:31-37)

21 Naxinu coo Jesús xihín na xica tuun xihín á ñuu Capernaum. Ta tá natandaa quivi ndíquehe ndée ñayivi já naquihvi Jesús ini veñuhu ta nacasáhá jánaha na cán. 22 Ta nacatontó tóco ndihí ñayivi sahá tuhun cáhan mé á jáchí najánaha mé á tátuhun in da ín saha cahnda chuun ta co cáhan tátuhun na jánaha ley Moisés. 23 Ini mé veñuhu cán nasandacaan in dataa, da ndácaan ínimá quini ini. Nacasáhá cáyuhú rí cán já cáchí rí já:

24 —Jesús, da ñuu Nazaret. Ndá cuéntá quea quíhvi nuún xihín nde. Á vasún jándihún sahá nde. Sa xini vaha i yoho ta cándaqá caxí ini i ña cúun in da yii nachindahá Ndióxi —nacachi rí cán.

25 Ta nacasáhá Jesús jánani a rí quini ndácaan ini da cán. Já nacachi a já:

—Caji yúhún ta janí da yoho.

26 Ta tá queta rí quini ndácaan ini da cán nasahní yihí rí da ta cáyuhú cóhó rí já naqueta rí ini da cán.

27 Nacatontó tóco ndihí ñayivi chí nacasáhá ndáca tuhún táhan na já cáchí na já:

—Ndía quea yoho. Ta ndá naquixi tuhun saá jánaha da yoho jáchí cáhan da xihín rí quini tátuhun in da sáhdá chuun ta chí cándúsa rí quee rí cuhún rí —nacachi na.

1.32-34

Ndája vaha Jesús cuahá ñayivi

(Mt. 8:16-17; Lc. 4:40-41)

32 Tá naqueta nuu candii ta nacuaá já ñéhe ndihí ñayivi na quíhvi xihín na ñúhu ínimá quini ini nacasaq na nu Jesús. 33 Ta tóco ndihí na ñuu nandai cuu na yuyéhé nu ín Jesús. 34 Nandaja vaha Jesús cuahá ñayivi, na ndóho tá nuú cuhe. Ta natavá a cuahá ínimá quini ini ñayivi. Joo coo nasahan Jesús ñamaní nu rí quini ña ná cahán rí jáchí xini rí yo cúu Jesús.

2.1-15

Tá nandaja vaha Jesús in da naxihí tuchu saha

(Mt. 9:1-8; Lc. 5:17-26)

1 Tá nayaha chá quivi já nandicó coo tucu Jesús ñuu Capernaum. Ta nacandaqá ini ñayivi ña ín a vehe.

2 Ta chí cama chá nanditútú cuahá ñayivi chí co vátí ga yuyéhé cándita na. Já nacasáhá caxi tuhun

Jesús tuhun Ndióxi nu ná. 3 Anda já naxinu coo comí taa ta ñéhe da in da naxihí tuchu saha. Nasaq da

nū fín Jesús. 4 Joo naxini da ña a cuú xinu da yati nū fín Jesús sahá cuahá ñayivi chútú ndaa nū fín a cán. Chí nandaa da jini véhe ta ñacasáhá da súná da jini véhe mé xoo nū fín Jesús. Ta mé cán najánuu da xito loho nū cándúhu da quíhvi chí yávi jini véhe cán. 5 Tá naxini Jesús ña cándeé ini da cán mé á já cáhí a já xihin mé da quíhvi cán:

—Candehé, jahyi a. Sa ñacaja cáhnu ini i sahá cuachún viti —ñacachi Jesús.

6 Joo java na jánaha ley Moisés ndúu coo cán ñacasáhá cáhán na: 7 “Ndá cuéntá queá ndája núu da Ndióxi xihín tūhun cáhan da. Jáchí ni in tūhún toho ñayivi a cuú caja cáhnu ini sahá cuachi. In tūhún jini Ndióxi queá cuu caja cáhnu ini sahá cuachi”, ñacahán na. 8 Joo sa ñacandaa ini Jesús ña cáhvi ini na cán chí ñacachi a já xihin ná:

—Ndávaha cáhán ndo já. 9 Á cáhán ndó ña ihvi chága cachi i xihín da yóho: “Ñacaja cáhnu ini i sahá cuachún viti.” Á tá coó ta cachi i xihin dá: “Cuándacoó, ndiquehe xitún ta caca nuún.” 10 Candehé vaha ndó ná ñaha i nū ndo ña fín sahá i, da ñachindahá Ndióxi nduu u ñayivi caja cáhnu ini i sahá cuachi cája ñayivi ñuyívi yóho —ñacachi Jesús xihin ná.

Anda já ñacachi a xihin mé da ñaxihí tuchu saha cán:

11 —Ta viti cáhan i xuhun cuándacoó ndiquehe xito lohún ta cuanúhu —ñacachi a.

12 Chí ivi laá nandacoó mé da quíhvi cán ta ñandiquehe da xito loho da já ñaquee da cuahan da nuú ndihi na ndúu cán. Anda já ñacatóntó tóco ndihi na ta ñacasáhá cája cáhnu na Ndióxi já cáhí na já:

—Ni in tūhún tañu coó naxini nde in ñaha cáhnu tátuhun ña yóho —ñacachi na.

4.35-41

Tá najacatáji Jesús tañuhú tá ndícojo do

(Mt. 8:23-27; Lc. 8:22-25)

35 Tá ñacuaá mé quívi cán já ñacachi Jesús já xihín na xíca tuun xihin á:

—Cóho inga xoo tañuhú yóho.

36 Anda já najándacoó na ñayivi já ñaquee na cuahan na xihín Jesús ini mé barco nuú sa ndácaan mé á. Ta ndáca táhan java ga barco cuahan dó xihin ná. 37 Ta ndaja coo naxinu in tachí quíni ndivaha. Ta ñacasáhá ndícojo tañuhú ndíhvi dó ini barco já ñacasáhá ndícutú ticuifí ini mé barco cán. 38 Ta chí xoo jata mé barco cán cándúhu Jesús quíji a ta cánúu jini á jata ña yíhi jini ná. Já najándacaxí ini na mé á ta cáhí na já xihin á:

—Maestro. Chí coó sáhní a mé á ña cúní ndihi saha yo jáchí sácoo barco cahá ticuifí cuahan do —ñacachi na.

39 Anda já nandacoó Jesús ta ñacasáhá jánani a tachí xihín tañuhú viti já cáhí a já:

—Catáji ndo.

Já najáyaá tachí. Já ñacandoo táji ní mé cán. 40 Anda já ñacachi Jesús xihín na xíca tuun xihin á:

—Ndávaha ñayihví ñahá ndo. Ndávaha coó cándeé ini ndó yehe —ñacachi a.

41 A juú quiáhva ñayihví mé na cán já ñacasáhá cáhan xihin táhan na:

—Ndá da cúu dataa yóho ña janda tachí xihín tañuhú cándúsa nū cáhan da —ñacachi na cán.

5.22-24

22 Já naxinu in da naní Jairo, da sáhdá chuun veñuhu. Tá naxini da Jesús ñacaxítí da sahá. 23 Ta ndáhví mé ñaxica táhví da nū á já cáhí da já:

—Xíhi jahyi i viti ñúhú. Caja ndó ñamaní ná coho vehe chinúu ndó ndáha ndó jata ña ná ndivaha ña já ná catacu ña —ñacachi da.

24 Anda já ñaquee Jesús cuahan xihin dá. Chí cándfhi táhan mé ñayivi ndíco na jata cuahan na.

5.35-42

35 Cáhan yijí va Jesús xihin ña cán tá naxinu java na ñaquixi vehe mé da sáhdá chuun veñuhu cán já

naçachi na já xih̄in dá:

—Sa nax̄ih̄i va jah̄yi ndó. A jáquih̄vi ga ndó da x̄ica jánaḡa ñayivi jan —naçachi na.

36 Joo naçaja Jesús tátuhun cō x̄in̄i jōho a nuú naçahan na. Naçasáhá cáchí a já x̄ih̄in da sáhdá chuun veñuhu cán:

—A cáyh̄iv̄i tohún. Candúsa cuití vún yeḡe —cáchí a.

37 Ta coó nasahan Jesús ñaman̄i nuú na cuah̄a ndúu cán cūhun na x̄ih̄in á. Na nasahan cuití x̄ih̄in á cúu Pedro x̄ih̄in Jacobo x̄ih̄in Juan, da cúu ñani Jacobo. 38 Tá nax̄inu na vehe mé da sáhdá chuun veñuhu cán já nax̄ini a ndíváá ñayivi sácu ndivaha na cáyuh̄a na ndúu na cán. 39 Já naquih̄vi a vehe ta já cáchí a já:

—Ndávaha ndíváá ḡah̄a ndo ta sácu cuah̄a ndo. Ta coó nax̄ih̄i toho ñáloho yóho joo quíji cuití va ñá —naçachi a x̄ih̄in na cán.

40 Joo naçasáhá na sácu ndaa na a. Andá já naṡavá Jesús tóco ndihi ñayivi jata véhe. Na naquih̄vi x̄ih̄in á naçacuú tátá náná ña x̄ih̄in na x̄ica tuun x̄ih̄in á. Ta naçayati a nu cándúhu mé ñáloho cán. 41 Já naṡiin a ndáḡa ña ta naçasáhá cáchí a já x̄ih̄in ña:

—Talita, cumi —naçachi a. Mé tuhun yóho cúni cachi a: Ñáloho cáhan i x̄uhun cuándaco.

42 Ivi laá nandaco ñáloho, ñá ndacaan ux̄u ivi cuja ta naçasáhá ña x̄ica nuu ñá. Já naçatóntó tóco ndihi ñayivi.

7.18-23

18 Ta nanducú ñehe a tuhun nu ná já naçachi a já:

—Á coó toho x̄in̄i túni ri ndóhó va, vaha. Jáchi cō cándaḡa ini ndó ña tóco ndihi ḡaha x̄ixi ñayivi a cuú caja quini a na. 19 Jáchi ña x̄ixi ñayivi cō x̄inu a ini ínima ná joo x̄inu coo a t̄ixi na já queta tucu a yiquí cuñu na —naçachi Jesús.

X̄ih̄in tuhun yóho naçachi Jesús x̄ih̄in ná ña cuu cuxu na tóco ndihi ḡaha ña x̄ixi ñayivi jáchi cō ndája quini a ínima ná. 20 Ta naçachi tucu Jesús já:

—Ña cuu ndaja quini ñayivi cúu ña quíxi ínima ná tátuhun tuhun cáhan na x̄ih̄in ña cája na. 21 Jáchi chí ini ínima ná queta ña cáhvi núu ini na tátuhun ña cáhvi ini in daṡa coo da x̄ih̄in ñájih̄i ñani táhan da á tá x̄ica ini da coo da x̄ih̄in in ñáñáḡa, ñá cō cúu ñájih̄i da á tá cáhvi ini na cah̄ni na nd̄i. 22 Ta sa mé cán queta ña x̄ica ini na caja cuñhá na ta jári x̄ica ini na coo cuah̄a ndivaha ḡaha nu ná. Ta sa mé cán queta ña núu cája na ta cáhan na ña tuhún ta cája na tá nuú cuachi ta cáh̄ih̄vi ini na ta cátoó na çahan na saḡa táhan na ta cája cáhnu na mé ná ta quíhv̄i cája na. 23 Tóco ndihi ña núu yóho ña cáhvi ini ñayivi caja na, quíxi a ínima ná ta ndája quini a na.

9.2-8

Tá nandijama Jesús quiahva cáa

(Mt. 17:1-13; Lc. 9:28-36)

2 Tá nayaha in̄u quiv̄i já nandaa Jesús in yucú jíco ta ndáca táhan Pedro x̄ih̄in Jacobo x̄ih̄in Juan cuah̄an na x̄ih̄in á. Ta nu táhyí mé na cán nandijama quiahva cáa. 3 Ta a juú quiahva nandiyeh̄e jáhma ndíxi a chí nandiyaa cáchi ña. Ni in ñayivi ñuyiv̄i yóho a cuú ndicata yaa ḡah̄a jáhma tá quiahva yaa nanduu jáhma á. 4 Andá já na x̄ica tuun x̄ih̄in Jesús nax̄ini na Elías x̄ih̄in Moisés ndúu na ndítuhún na x̄ih̄in á. 5 Ta já naçachi Pedro já x̄ih̄in Jesús:

—Maestro, vaha cúu ndúu nde yóho jáchi já cuu cavaha nde un̄i vehe tiyahvá válí. In a coo mé ndó ta inga coo Moisés ta inga coo Elías —naçachi da.

6 Nayih̄vi ndivaha na x̄ica tuun x̄ih̄in Jesús saḡa ña cán quéa cō x̄in̄i mé Pedro ndía cáa cáhan va da. 7 Andá já nanuu in v̄ico jata ná já najájahvi a na ta tañu v̄ico cán nax̄ini jōho na ña cáhan in a já cáchí a já:

—Da yóho cúu jah̄yi man̄i i. Cuni jōho ndó nu cáhan da.

8 Ta tá nandicoto nihni na sa coó ga na naxini na ta jandá in túhún Jesús naxini na.

12.28-31

Tá cáhan Jesús ndíá cúú ña cáhnu chága sáhdá Ndióxi caja í

(Mt. 22:34-40)

28 Ta ndaja coo in da jánaha ley Moisés nacayati da nu Jesús jáchi sa naxini johu da ña nacahan Jesús xihín na ndúu cán. Sahá ña xini da ña nanducú ñehe ndaa Jesús tuhun nuú na cán sahá ña cán quea nandaca tuhún da Jesús já cáchi da já xihín á:

—Ndíá cúú ña cáhnu chága sáhdá Ndióxi caja í —nacachi da.

29 Já nacachi Jesús já xihín dá:

—Ña cáhnu chága cúú ña cáchi tuhun Ndióxi yóho: “Taa johu ndó, na Israel. Ín in túhún jini Ndióxi ta mé á cúú xitoho í. 30 Ta ndítahan quihvi ini ndó mé Ndióxi, xitoho ndó xihín tóco ndihi ínimá ndo ta xihín ndinuhu ini ndó. Ta quihvi ini ndó a xihín tóco ndihi xini túni ndo ta xihín tóco ndihi ndée ndo.” Ña yóho cúú ña nu cuítí sáhdá Ndióxi caja ndó. 31 Tá cúní coo ña nu cuítí já cúní coo ri ña chí ivi va ta cáchi a: “Quihvi ini ndó ñani táhan ndó tá quiahva quihvi ini ndó mé ndó.” Coó ga inga ña sáhdá Ndióxi caja ndó cacuu ña cáhnu chága nuú ña yóho —nacachi a.

14.10-11

Jícó túhún Judas Jesús

(Mt. 26:14-16; Lc. 22:3-6)

10 Ta ndaja coo in táhan da uxu ivi xica tuun xihín Jesús, da naní Judas Iscariote nasahan da cáhan da xihín na sacuahá nuú jutú. Já nasahan da tuhun da nuú na cán ña ndiquiahva da Jesús ndáha ná. 11 Tá naxini johu na cán ña nacachi da xihín ná nacavatá na ta nasahan na tuhun na nu mé Judas ña quiahva na jühún nu dá. Ta sa mé nani já nacasáhá Judas ndúcu da ndaja cuu caja da ndiquiahva da Jesús nu ná.

14.44-46

44 Ta mé Judas, da ndiquiahva mé á nuú na cán sa nacandoo da xihín na cán ña tatí yúhu dá sajóho Jesús jáchi nacachi da já xihín ná:

—Mé da ná tatí yuhú u sajóho, da cán cúú dá tiin ndó ta cató tuun ndó da cañehe ndó cuhun ndo —nacachi da.

45 Ta tá naxinu da cán chí ivi laá nacayati da nu Jesús já cáchi da já xihín á:

—Maestro, maestro.

Já natatí yúhu dá sajóho a. 46 Anda já natiin tuun na Jesús.

15.6-15 Sácu ini na saha Jesús ndaja caja na ña ná quivi a

(Mt. 27:15-31; Lc. 23:13-25; Jn. 18:38-19:16)

6 Tañu mé víco pascua nasahin costumbre Pilato ña janí da in da ndacaan vecaa. Ndá da cúní ñayivi janí da, da cán cúú da janí da. 7 Ta ndaja coo mé já ndacaan in da naní Barrabás vecaa xihín java ga da naxica xihín dá. Ndacaan da vecaa sahá ña nasahní da ndji tá nandivaá ñayivi. 8 Chí naxinu ñayivi nu Pilato já nacasáhá na cáhan na xihín dá ña ná caja da tá quiahva sá caja da. 9 Joo nandaca tuhún Pilato na já cáchi da já:

—Á co cúní ndó ña ná janí i da cúú rey nuú ñayivi Israel yóho —nacachi da.

10 Nacachi Pilato ña yóho jáchi xini da ña ndiquiahva na sacuahá nuú jutú cán Jesús nu da sahá ña cáhivi ini na xihín á. 11 Joo na sacuahá nuú jutú cán nacasáhá na jándiníhi na ñayivi ña ná cachi na xihín Pilato ña ná janí da Barrabás. 12 Tá ndihi já nandaca tuhún Pilato na já nacachi da já xihín ná:

—Ndíá cúní ndó caja i xihín da cáchi ndó cúú rey nu ndóhó, na Israel —nacachi da.

13 Anda já nanducú ñehe ñayivi cán tũhun nu Pilato já cáchí na já xihĩn dá:

—Cata caa ndó da ndica crúxu.

14 Já nacachi Pilato já xihĩn ná:

—Ndá cuachi nacaja da, vaha.

Joo ví ga ví cáyuhú cóhó na já cáchí na já:

—Cata caa ndó da ndica crúxu.

15 Ta sahá ña cúnĩ Pilato candoo vaha da nuú ñayivi najaní da Barrabás. Ta tá nandihĩ najácaxáhan na Jesús já nandiquiahva da a ndáha na cũhun cata caa ñahá na ndica crúxu.

15.33-39

Tá naxihĩ Jesús

(Mt. 27:45-56; Lc. 23:44-49; Jn. 19:28-30)

33 Tá naxĩnu coo caxivĩ ndaa nacanaá ní cúu ñuyivĩ ta janda caa unĩ sahini já nacasáhá nandiyehẽ tucu. 34 Ta sa mé hora já nacayuhú cóhó Jesús já cáchí a já:

—Eloi, Eloi, lama sabactani —nacachi a.

Tũhun yóho cúnĩ cáchĩ a: Ndióxi mí i, Ndióxi mí i, ndávaha najándacoo ndáha ndó yehẽ.

35 Ta java na ndíta cán naxini johõ na tũhun cáchĩ a. Já nacachi na já:

—Cuni johõ ndó jáchĩ cána da profeta Elías —nacachi na.

36 Anda já xĩnu in da nasahan da nachindaxi da in tĩcoto ini vino iyá. Já nacatõ da mé tĩcoto cán nuú in yitõ ndõ já nachitivi da do yati yũhu Jesús ña ná coho a do. Já nacachi da já xihĩn java da cán:

—Cõho candehõ á quixi Elías jánuu a da ndica crúxu —nacachi da.

37 Anda já nacayuhú cóhó Jesús já naxihĩ a. 38 Anda já nandatá java ndaa jáhũa ndeé ña sájĩ nuu nuú yĩ ndivaha veũhu cáhnu ñuu Jerusalén cán. Janda jini á ta janda sahá nandatã. 39 Ta ndaja coo in dataa, da sãhndã chuun nuú soldado cuéntã Roma nasahĩin da nu ndácaa Jesús cán ta tá naxini da naxihĩ a já nacachi da já:

—Mé a ndaa táhyĩ cúu da yóho in túhũn jini já jahyĩ Ndióxi —nacachi da.

15.42-46

Tá najánduxu na Jesús

(Mt. 27:57-61; Lc. 23:50-56; Jn. 19:38-42)

42 Tá nacuaá tóo uun quivĩ viernexe tá camãni casã quivĩ ndiquehe ndeé na Israel já nayaha tóco ndihĩ ña yóho. 43 Ta ndaja coo ín in da nanĩ José, da ñuu Arimatea, da cúu táhan na cómĩ cuéntã sahã na Israel. Mé José yóho ndãti da casã quivĩ cacomĩ Ndióxi cuéntã sahã ñayivi ñuyivĩ yóho. Ta nasahan ndeé ini da cũhun da cahan mãni dá xihĩn Pilato sahã yiquĩ cuũu Jesús ña ná quiahva mé Pilato ña nu dá. 44 Chí nacatõntõ Pilato tá nacandaa ini da ña sa naxihĩ Jesús. Já nacana da da sãhndã chuun nuú soldado da já nandaca tũhũn ñahã da á sa naxihĩ Jesús. 45 Tá nacaxi tũhun da cán nu Pilato ña sa naxihĩ Jesús já nasahan Pilato ñamãni nuú José ña ná ndiquehe da yiquĩ cuũu Jesús. 46 Anda já naxeen José in jahmã vaha ta najãnuu da yiquĩ cuũu Jesús ndica crúxu já nachitivi da ña xihĩn mé jahmã vaha cán. Tá nandihĩ já nachicaan da mé yiquĩ cuũu Jesús cán ini in yãvi ndácaan ndica cáva. Tá nandihĩ já nachijahvi da yuhú cáva cán xihĩn in yuu jáhndã cáhnu.

16.1-7

Tá nãditacu tucu Jesús

(Mt. 28:1-10; Lc. 24:1-12; Jn. 20:1-10)

1 Ta tá sa nayaha quivĩ ndiquehe ndeé na já nasahan María, ña ñuu Magdala xihĩn María, ña cúu nãná Jacobo xihĩn Salomé viti naquee na cuahan na cueen na java nuú ñaha támi sahan ña chindãã na yiquĩ cuũu Jesús. 2 Ta naha chá mé quivĩ domingo tá naqueta candii já cuahan na nuú nachicaan na yiquĩ

cuñu Jesús cán. 3 Ta nani xíca na cuahān nā íchī cán já ndítúhún xihīn táhan na ndá quiāhva caja na tava nā yuu ndájí nuú ndácaan yiquí cuñu Jesús cán. Já cáchí nā já:

—Yo tava toho yuu ndájí nuu nuú quihví ini nu ndácaan yiquí cuñu Jesús —cáchí xihīn táhan na cásahan nā jáchī cáhnu ndivaha mé yuu cán.

4 Joo tá naxinu nā mé cáva cán já naxini na ña coó ga yuu ndájí yuhú cáva cán. 5 Ta tá nandihvi na mé cáva cán já naxini na cáa íin in dataa ndíxí jahmá yaa ña cáni. Íin coo da xoo cuáha ta cúú dá da yúta.

Tá naxini najihí yóho da cán chí nayihví nā. 6 Anda já nacaahan da cán já cáchí da já:

—A yíhví toho ndó. Xíni yehe ña ndínducú ndo Jesús ña Nazaret, ña nacata caa na ndica crúxu.

Candehé ndo nuú nasacu na a. Coó ga íin viti jáchī nanditacu tucu a. 7 Ta viti cuáhán ndo caxi tūhun ndó xihín nā naxica tuun xihīn á ta xihīn Pedro ña cánuú mé á cuahān estado Galilea. Tá cūhun ndó cán já cuni ndó a tá quiāhva nacachi mé á xihīn ndo —nacachi tátō Ndióxi.

16.15-16

15 Já nacasáhá cáchí Jesús já xihīn ná:

—Cuáhán ndo ní cúú ñuyiví yóho ta caxi tūhun ndó xihín ndihi ñayivi tūhun vaha sahá i. 16 Ta ndá nā ná candúsa yehe ta candúta ná já quéa cacu ndaa ínimā ná ta a cūhun nā indayá. Joo nā co candúsa yehe, nā cán cúú nā cūhun nā ndoho ini na indayá anda ama cáa quivi.

16.19-20

Tá nandaa Jesús cuahān indiví

(Lc. 24:50-53)

19 Tá nandihí nacaahan Jesús, xitoho í tóco ndihi tūhun yóho xihīn ná anda já nandindita cuahān indiví ta nasacōo a xoo cuáha Ndióxi, tátá yo. 20 Tá nandihí já naquee nā naxica tuun xihīn á cán cuahān nā caxi tūhun na tūhun vaha saha Jesús ndijáá nuu. Ta já nacheindeé Jesús, xitoho í nā cán ta náha ña cúú á ña ndaa cáhan nā jáchī nacaja mé á ña cúú cája na cuahá nuú ña xitúhún. Já ná coo.